

Unsa Bruada Veitl

Vors.: Maria Skriwany, 1914

Aufz.: Karl Liebleitner

Sign.: BVLA Mappe 74/102

1. Un - ser Brua-da Vei - tl wüll a a Rei-da werdn, hat er ja ka
Rei-da-roß, wia kann er oa-na werdn. Die ta nimmt in Be-sn-stock,
macht in Vei-tl a Rei-da-roß. Reit, Vei-tl, reit, da Türk is nim-ma weit.

2. Unsa Bruada Veitl wüll a a Reida werdn,
hat er ja kan Reidazam, wia kann er oana werdn.
Die Muatta nimmt an Hemadsam, macht dem Veitl an Reidazam.
Reit, Veitl, reit ...
3. Unsa Bruada Veitl wüll a a Reida werdn,
Hat er ja koani Reidastiefl, wia kann er oana werdn.
Die Muatta nimmt an Rührkübl, macht dem Veitl Reidastiefl.
Reit, Veitl, reit ...
4. Unsa Bruada Veitl will a a Reida werdn,
hat er ja ka Reidajankal, wia kann er oana werdn.
Die Muatta nimmt a Spinnaflankal, macht dem Veitl a Reidajankal.
Reit, Veitl, reit ...
5. Unsa Bruada Veitl wüll a a Reida werdn,
hat er ja koan Reidahelm, wia kann er oana werdn.
Die Muatta nimmt an Suppntopf, setztn in Veitl aufn Kopf.
Reit, Veitl, reit ...
6. Unsa Bruada Veitl wüll a a Reida werdn,
hat er ja koan Reidahandschuach, wia kann er oana werdn.
Die Muatta nimmt an hoasßn Brein, steckt dem Veitl die Pratzn drein.
Reit, Veitl, reit ...
7. Unsa Bruada Veitl wüll a a Reida werdn,
hat er ja kan Reidasporn, wia kann er oana werdn.
Die Muatta nimmt a Ochsnhorn, macht in Veitl an Reidasporn.
Reit, Veitl, reit ...

Mit Unterstützung von Bund, Land und Europäischer Union